

TAKƏLAYA NKA PÇÇLI NMAAWA

TITU

Tɔ

Kutulutu

Titu ta ke Yuta tu, i kē piitim lempitv kē. Ama í pəsa Yesu təŋlu. Haləna Pəəli ḥmaa-i na í tu-i si, i paasəna tetu nti ləm cəənaa na pá yaaki-ti si Kəleti tə, tə Isə seelaa.

Pəəli kpeyela i kusəyəsətu ke takəlaya kutulutu taa. Pə waalı kē í hula yaasinaa mpa Isə təseelə nyəəŋ nyéma ká wəenə tə. Pəəli hula Titu tətəyə yələaa mpa Isə yulü ká paasəna Isə təseelə taa tə. Kv̄kpatəlaa, alaa səsaa, na ifepiya na pəelaa na yomaa. I hula təma nna nna pə wəe si Isə seelv í la tə, na isəna pə wəe si yulü í cəyana həesuyu tə, na i hatələna fayav. Pə waalı үlenə í tu Titu ke nti nti i ká la tə, na seetv.

Isəna pə faya Titu takəlaya tə:

Isəna Isə təseelə nyəəŋ nyéma ka tə tə, titite 1

Isəna leelaa na suluwaa na yomaa paa wəe tə,
titite 2

Isəna Isə seelaa ka tə tə, titite 3

Seetv

1 Maya Isə təmlə tu Pəəli, Yesu Kilisiti tillu.

Pa tu-m kē si má la na mpa Isə ləsaa tə pá mu Isə, na má hólí-wəxə tampana nna tá Isəseelə mpaav seyəsəyi tə, **2** na pá te pa taa si paa hiki weesuyu ḥku ku təŋ tə. Isə ka təmnə hatuu ləŋ ke yem taa si i ká hatuyu weesuyu ḥku, Isə tá kē kaloolaya tv. **3** Pə təə kē pə kəma na pə tala waatv wei i ka suwa tə үlenə í yele na í təm kuli weesuyu ḥku ku təə na pə hólí. Tá Yatu

Tacaa Isø inu i tu-m si má kpaalı i tøm na má tøjnatøyi kpaalvøn tø, nti tø kuliyinga mpø na té hóláyí.

4 Titu, má ñmaakøna-ñ takølaya kanø. Nyá këna ma pøyalv na tampana ke Isøseelø mpaavu ñku tá tøna tø tøjøyi tø ku taa. Tacaa Isø na tá Yatu Yesu Kilisiti pá høli-ñ pøelee na pá ha-ñ alaaføya.

Tømle nte pa tv Titu si í la Køleeti tø

5 Maa yela-ñ Køleeti kék si nì tayani mpi pø kaasa tayanyøn tø tøtetete, na nì kpa paa icate nte tø Isø tøseelø søsaa. Tøosi nti ma keesa-ñ tø si: **6** Wei i kinj pa kaa na kawaliya nakøli tø inu i ká tøgøna Isø tøseelø søsøontu. Alv kvlvøn ke pøntu inu i ká wæena. Na i piya ká la Isø seelaa, si taa wæe piya nsi yølaa tøj si si ke yem yem lataa su nukøna yølaa tø. **7** Isø tøseelø søsø wæekvøn Isø tøseelø taa tø Isø tøma ke pø tu-i si i paasøgøna. Pø tøo kék pø fei si pá ná kawaliya nakøløyi i kinj. I kaa wæe kalampaani tv yaa wei i laa páaná muvgø tø, yaa svlonyøølv yaa muvøn tv, yaa wei i muvguliyi si i hiki liyitee tø. **8** I ká wæe wei yølaa i køma i te i nyømá muvølle lapø, na i søøla mpi pø wæ teu, na i wæna lømayasøe tø. I ká wæe wei i tøjøyi tampana, na i kék Isø yvø, na i nyømá i ti tøkvøn tø. **9** I ká wæe wei i nyøøna Isø Tøm mayamaya tøkønjkønjkøpa ke teitei isu paa seyøsa-ñ tø, iløna i pøsi na i seyøsi lelaa ke seyøsøn køpøn wei i waasøyi yølaa tø na i tasa-wæye tøm. Pø kaasa kpeesølaa pøpøtønnaa mpa pele tø, i hólí-wæye isøna mpi pa toolaa tø.

10 Pø taya pølv tøo, yølaa wæ payale na pø tu køløna Yuta nyømá mpa pa mu Yesu na pá kék kaanutønnaa tø. Kpøi tømnaa ke pa seyøsøyi na pá puysiyina lelaa. **11** Tøki-wæ si pá su mpø. Pø taya pølv, pa kék teesi yøkølaa kék, na nti tø fei seyøsøvøn tø ntøyi pa seyøsøyi

na pá mygi liyitee ke tulum. ¹² Kéleeti nyáma Isø kuyøytutu teløsøløaa taa noyølu wei i mayamaya i ké Kéleeti tu tø i ka yøyøta mprúyú si: Kéleeti nyáma nyøntu nté cesuvg. Pa kék nyømøntuñaa kék isu taale wontu. Hilikpaakvñaa kék, pøcø paa caa lapu. ¹³ Nti i yøyøta mpu tø i na-tøy. Pø tøo ilø kpuhi-weyø teu na pé la na pá te Isø na pa taa kék teu. ¹⁴ Na pá yele Yuta nyáma søsaa taa tømnaa kpai nyøntu na kvsøsøtu nti yølaa mpa pa kisa tampana tøjuvg na pá lu tø tø tøjuvg. ¹⁵ Mpa pa taa tewa tø pø tøna pø te peleyø. Ama mpa pa taa tå te pøyele paa tøn Isø na pa taa tø pø tøna pø kék isayam ke pele pa kin kék. Pø taya pulu, isayatø kék pa layatu na pa laakalønaa layalaa. ¹⁶ Pá cayaa ilø si pa nyømá Isø. Ama n nyønna pa lakaøi pu hóløyí si pa nyømá Isø se. Pa lu yølaa ke søn kék, na pa kék kaanutvñaa, paa pøsøyø tømle kwpante nøtøløyø lapu na n ná.

2

Seyesuvv kwpajkv

¹ Ye nyá ilø seyèsø-weyø seyèsøj kwpaj wei i waasøyø yølaa tø. ² Heeli apalaa kwpøtølaa si pá kpa pa ti, na pá wæena yaasi kwpaj, na pá kpkøyø lømayasøe. Pá tøki Isøseelø mpaav na lelaa søolvø na suulu hóløyø ke teu. ³ Heeli alaa kwpøtølaa si pele pá tøki yaasi kwpaj isu Isø yølaa wæekvø tø. Pá taa cakøna yølaa, na pá taa yele na svlum høkø-we. Ama pá wæe mpa pa tasøyø alaa søkpema ke tøm ⁴ ke isøna pele paa søøli pa paalaa na pa piya tø, ⁵ na isøna paa kpayø lømayasøe na pá hatøløna wasaŋkaløtu tø, na isøna paa laki pa taasi tøma ke teu tø, na isøna mpi

paa laki kwpantu na pá seeki pa paalaa tó. Ilé nøyolv
kaa ku Isó Tóm nyuyu ke pa tó.

6 Sëyësi ifepiya ke teu tó sì pá kpayá lëmayaçsæe
ke teu. **7** Nyá mayamaya laki tëma kwpanta na
pá nyønayøna-ŋ na pá laki. Paasi na ní sëyësøna
tampana na isèle kusseemle. **8** Tayanayi nyá tóm, taa
yele na ní koo na ní pøntøyi nyá yøyøtaya taa na pá
footuŋu-ŋ na-ke. Ye n tayana-këyë teu ilé pu tu tá
kolontunaas ke fëele. Mpi tó pa kaa na isayatu nti paa
yøyøti tá tó tó.

9 Yomaa ká nüna pa caanaa na pá lá na pele pa laŋa
hëenä-wëye pa kvlapøle tëna taa, na pá taa keesøyi-
wëye natèli. **10** Pá taa ñmulí paa pulv cëcëka. Ama pá
laki tam na pa caanaa naakí sì pa yomaa ke kwpama
na pá nükëna-wë, na pu la na tá Yatv Isó tó tóm nti
të sëyësøyi tó të nyuyu kvlí pë tëna pë taa.

11 Pë taya pulv, Isó kulina i pëelee tó na í hólí sì
pë ya paa wei i nyuyu. **12** Pëelee aní a sëyësøna-tv sì
të yele isayatu taa kë tønte na ate cène konyuløj ke
mpv, na té kpayá lëmayaçsæe na té tøj siyisuŋu, na
té nükëna Isó kë tam kë tá tønte taa kë antulinya taa
cène. **13** Pëelee sëyësøyi-tvøj sì té caya mpv na té taŋa
lelenj nüŋ kuyaku ñku të wée na té teeløyi tó. Ku wule
ke tá Yatv Yesu Kilisiti Isó Sësa teeli ká koo. **14** Yesu
Kilisiti iní i hana i tøyi tá tó na í ya-tvøj isayatu tëna
taa, na í tayani-tvøj teu na té pësi yølaa mpa i tike i tì
tó, na tá isèle sëenä tëma kwpanta lapv.

15 Tëne inayi n ka heeliyi-wë. Lakëna sësøentu
nti pa tv-ŋ tó të toma tëna, na ní sësøyi nyá yølaa
ke apalvutv, yaa ye kalënav kalëna-wë. Taa yele na
nøyolv kpeenä-ŋ.

3

Isə seelv yaasi

¹ Təəsi pa təna sı pə wəe sı pá seeki tetu təkəlaa. Pə wəe sı pá nukəna-wəyə. Na pa səəlv i pü təma kəpana lapu təə. ² Pá taa tuvkı nəyəlv, ama pá wəe təpamm, na pá wəna yəlle, na pa na yələa təna pa wəna təma na lelej. ³ Tá mayamaya isəntə tu kέ tuutuu lataa tətəyə hatuu ləj kέ, na kaanutvnaa, na tu toolaa kέ. Na kənyüləj na mpi pə həesəyi tá laja tə pə tənaya mpv pə nəyə na pə suka ka kəpana-tvəy yomle, na isayatv na kənyüləj pə taa kέ tu wəe. Tə taa caakı tá təmaya paa pəcə mayamaya. ⁴ Ama pə kəma na Isə tá Yatv hólí yələa ke i kəpantu na i pəelee, ⁵ iləna i ya-tv. Ilə pə taya tá təma kəsiyisee təə. Ama tá pətəətələ ke i wiiwa na i la mpv. Isə ləm mpi pa sə-tv na Feesuyu Nañjtu náá wə pə taa na i layasəyi-tv na té pəsəyi kufama na té təŋ tənte kufate tə mpəyi i yapəna-tv. ⁶ Pə taya pulv, Isə yelina tá Yatv Yesu Kilisiti kέ na i tisi Feesuyu Nañjtu ke tá təə pə tu fei, ⁷ sı i hóláyítvəy i pəelee na té pəsəi kəpama ke Isə isentaa, na té hiki weesuyu ḥku kui teŋ na té wəe na té təeləyi-kv tə. ⁸ Təm təne tampana təm tike təkelekele kέ.

Ma caa kέ sı n̄ seesi isəle na təm təne tə seyəsuyu, na mpa pa təma Isə na pa taa tə pá ha pa təyi təma kəpana lapu taa kέ tam. Mpi pə tewa na pə waasəyi təyəle. ⁹ Ama cələyi kəmelətəmnəa təə həm na lələj loosi təŋuyu. Cələyi yooŋ na ntəŋkpeesasi ke Moisi kəsəsütv təə. Nti ini tə kuyi təma ke teu kέ, pəcə tu waasəyi pulv. ¹⁰ Mpa pa yeki na fayav kəŋ yələa taa tə, ye n kpaala-wəyə təm naale na pá tá nu n təyəni-wə. ¹¹ Pə taya pulv, n nyəmá teu sı yulv i wə mpv pə

hóléyí ké sì i yela mpaav kusiyisuyu təhygү ké. Na isayatunaa mpa i laki tø pø hóléyí ké sì i toolaa.

Kantəkaya kvkpaalətv

12 Ye ma kəma na má tili Aatema yaa Tisiki kə nyá kiŋ, ilə n nyəkɪləŋ na n̄ kəo na n̄ mayana-m Nikopoli.

Mpi tø ma tøwa sì tənaya maa caya hilimate waatu.
13 Paasəna təm huvlu Senasi na Apələəsi kə teu na pá taa laŋ puvygү waatu wei paa tuyı pa mpaav tø. **14** Pø wəe sì tá yələa tøtø ká nyi isəna paa paasəna təma kypana lapu ke tam tø, na ye pø caala wei ké teu, pa waasəna-i, na pá taa caya yem təkpasa.

15 Pa təna mpa pa wə ma kiŋ cəne tø pa səekɪ-ŋ. Səe tá Isəseelə taa taapalaa kypama.

Isə i hólí mə tənaya i pəelee.

**PIIPILI CSILCT MCT TAKELAYA
Portions of the Holy Bible in the Lokpa language of
Benin**

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 11 Nov 2022 from source files
dated 9 Oct 2020

ef14191a-91f7-51c1-ac89-7b93dd7c4377